



RAPORTI I TRANSPARENCËS VITI 2025

në zbatim të nenit 45 të ligjit nr. 10 091, datë 05.03.2009, "Për auditimin ligjor, organizimin e profesionit të audituesit ligjor dhe të kontabilistit të miratuar"

Zhaneta Luca
Auditues Ligjor





1. Hyrje

Ky raport është përgatitur në zbatim të nenit 45 të ligjit nr. 10 091, datë 05.03.2009, "Për auditimin ligjor, organizimin e profesionit të audituesit ligjor dhe të kontabilistit të miratuar", i ndryshuar, dhe paraqet mënyrën e organizimit dhe ushtrimit të veprimtarisë së ProActive Solutions gjatë vitit 2025.

Veprimtaria profesionale është ushtruar në përputhje me Standardet Ndërkombëtare të Auditimit (SNA), Standardet Ndërkombëtare të Menaxhimit të Cilësisë (SNMC 1 dhe SNMC 2), SNA 220 (i rishikuar), Kodin Ndërkombëtar të Etikës për Profesionistët Kontabël, përfshirë Standardet Ndërkombëtare të Pavarësisë, si dhe kërkesat ligjore dhe rregullatore të zbatueshme në Shqipëri.

ProActive Solutions, e regjistruar me NUIS M41326027U dhe e drejtuar nga Zhaneta Luca, Auditues Ligjor, funksionon si një praktikë e organizuar nga një auditues ligjor i vetëm dhe nuk ka auditues të tjerë ligjorë në strukturën e saj. Veprimtaria e auditimit dhe shërbimet e lidhura mbështeten nga personel profesional dhe staf ndihmës, në përputhje me natyrën dhe përmasat e angazhimeve të marra përsipër.

Organizimi i brendshëm është i thjeshtë dhe pa nivele hierarkike formale. Personeli bashkëpunon në mënyrë funksionale dhe raporton drejtpërdrejt tek Audituesi Ligjor, i cili mban përgjegjësinë përfundimtare për drejtimin dhe cilësinë e angazhimeve, si dhe për hartimin, zbatimin dhe funksionimin e sistemit të menaxhimit të cilësisë në nivel firme.

2. Struktura ligjore, pronësia dhe drejtimi

ProActive Solutions është një praktikë profesionale e organizuar dhe drejtuar nga një Auditues Ligjor, e regjistruar për ushtrimin e veprimtarisë së auditimit ligjor dhe të shërbimeve të lidhura, në përputhje me legjislacionin dhe kërkesat profesionale në fuqi. Të dhënat kryesore identifikuese dhe profesionale paraqiten në tabelën e mëposhtme.

Të dhëna identifikuese	Informacioni
Auditues ligjor	Zhaneta Luca
Numri në Regjistrin Publik	466
Data e regjistrimit si auditues ligjor	06.11.2020
Forma ligjore	Person fizik
Emri tregtar	ProActive Solutions
NUIS	M41326027U
Data e regjistrimit në QKB	26.01.2024
Adresa	Rruga Selitë e Vjetër, ZK 3292, Farkë, Tiranë
Kontakt	office@proactives.al 068 405 6669

3. Rrjeti dhe marrëdhëniet profesionale

ProActive Solutions nuk është pjesë e një rrjeti kombëtar apo ndërkombëtar firmash auditimi dhe nuk ka marrëveshje për ndarjen e pronësisë, drejtimit, kontrollit, emrit tregtar apo burimeve profesionale me subjekte të tjera audituese.

Kur natyra ose përmasat e një angazhimi kërkojnë njohuri të specializuara apo burime shtesë, Firma mund të bashkëpunojë me profesionistë të jashtëm, duke vlerësuar paraprakisht kompetencën, objektivitetin, konfidencialitetin dhe pavarësinë e tyre. Këto bashkëpunime realizohen për angazhime të veçanta dhe nuk përbëjnë marrëdhënie rrjeti.

4. Veprimtaria profesionale dhe mënyra e realizimit të angazhimeve

Gjatë vitit 2025, ProActive Solutions ka ushtruar veprimtarinë në fushën e auditimit ligjor, kontabilitetit, përgatitjes së pasqyrave financiare dhe shërbimeve të tjera profesionale të lidhura. Shërbimet janë ofruar në përputhje me objektin e secilit angazhim dhe me kërkesat ligjore dhe profesionale të zbatueshme.

Në angazhimet e auditimit, qëllimi i Firmës është sigurimi i evidencës së mjaftueshme dhe të përshtatshme për të mbështetur opinionin mbi pasqyrat financiare. Puna kryhet me skepticizëm dhe gjykim profesional, duke ruajtur komunikim të qartë me drejtimin dhe, sipas rastit, me personat e ngarkuar me qeverisjen.

Për shërbimet e kontabilitetit, përgatitjes së pasqyrave financiare dhe shërbimet e tjera profesionale, natyra dhe kufijtë e punës përcaktohen në marrëveshje me klientin. Puna mbështetet në legjislacionin në fuqi dhe në informacionin e vënë në dispozicion, ndërsa vendimmarrja dhe përgjegjësia për zbatimin e saj i mbeten drejtimit të klientit.

Kur një klient auditimi kërkon shërbime të tjera profesionale, Firma vlerëson paraprakisht lejueshmërinë e tyre dhe ndikimin e mundshëm në pavarësi. Shërbimet pranohen vetëm kur nuk cenojnë objektivitetin e Audituesit Ligjor dhe nuk përfshijnë marrjen e përgjegjësisë të drejtimit.

5. Sistemi i menaxhimit të cilësisë

ProActive Solutions ka hartuar dhe zbaton një sistem të menaxhimit të cilësisë, të përshtatur me natyrën dhe përmasat e veprimtarisë së saj, në përputhje me kërkesat e SNMC 1, SNMC 2 dhe SNA 220 (i rishikuar). Sistemi synon të sigurojë që Firma dhe personeli i saj përmbushin përgjegjësitë profesionale, ligjore dhe rregullatore dhe që raportet e lëshuara janë të përshtatshme për rrethanat e angazhimit.

Duke qenë një praktikë e organizuar nga një auditues ligjor i vetëm, përgjegjësinë përfundimtare për hartimin, zbatimin dhe funksionimin e sistemit e mban Audituesi Ligjor. Audituesi Ligjor përfshihet drejtpërdrejt në fazat kryesore të angazhimeve dhe është përgjegjës për drejtimin, mbikëqyrjen dhe rishikimin e punës së kryer. Sistemi është ndërtuar duke marrë në konsideratë profilin e klientëve, llojin dhe kompleksitetin e shërbimeve të ofruara dhe burimet profesionale të angazhuara. Ai përfshin respektimin e kërkesave etike dhe të pavarësisë, pranimin dhe vijimin e marrëdhënieve me klientët, realizimin e angazhimeve, sigurimin e burimeve të përshtatshme, konsultimin për çështjet që kërkojnë gjykim të rëndësishëm, si dhe dokumentimin dhe rishikimin e punës së kryer.

Kur natyra ose kompleksiteti i një angazhimi kërkon njohuri të specializuara apo një vlerësim të pavarur shtesë, Firma mund të angazhojë profesionistë të jashtëm, pasi të ketë vlerësuar kompetencën, aftësitë, objektivitetin dhe pavarësinë e tyre, si dhe respektimin e kërkesave për ruajtjen e konfidencialitetit.

Rishikimi i cilësisë së angazhimit kryhet për angazhimet për të cilat kërkohet nga ligji, standardet profesionale ose politikat e Firmës. Për angazhimet e auditimit ligjor të njësive ekonomike me interes publik të realizuara gjatë periudhës raportuese, Firma ka angazhuar një auditues ligjor tjetër si rishikues të cilësisë së angazhimit, pasi ka vlerësuar përshtatshmërinë dhe pavarësinë e tij për kryerjen e këtij roli. Rishikimi është përfunduar përpara datës së raporteve përkatëse të auditimit dhe raportet nuk janë datuar deri në përfundimin e këtij procesi.

Politikat dhe procedurat e sistemit janë dokumentuar në Manualin e Menaxhimit të Cilësisë dhe zbatohen në nivel firme dhe angazhimi, në përputhje me natyrën dhe përmasat e veprimtarisë së ProActive Solutions. Funksionimi i sistemit monitorohet dhe vlerësohet periodikisht, duke marrë në konsideratë çështjet e evidentuara gjatë angazhimeve, rezultatet e rishikimeve, si dhe ndryshimet në standardet profesionale dhe kërkesat ligjore. Për mangësitë e identifikuara përcaktohen dhe ndiqen masat e nevojshme korrigjuese.

Në bazë të vlerësimit të kryer për periudhën raportuese, Audituesi Ligjor vlerëson se sistemi i menaxhimit të cilësisë i siguron Firmës një bazë të arsyeshme për arritjen e objektivave të cilësisë dhe funksionon në përputhje me natyrën dhe përmasat e veprimtarisë së saj.

6. Etika, pavarësia dhe konfidencialiteti

ProActive Solutions ushtron veprimtarinë në përputhje me parimet themelore të etikës profesionale: integritetin, objektivitetin, kompetencën dhe kujdesin e duhur profesional, konfidencialitetin dhe sjelljen profesionale. Këto parime zbatohen nga Audituesi Ligjor, personeli dhe profesionistët e jashtëm të përfshirë në angazhime.

Përpara pranimi ose vijimit të çdo angazhimi auditimi identifikohen dhe vlerësohen marrëdhëniet, interesat ose rrethanat që mund të krijojnë kërcënime ndaj pavarësisë dhe objektivitetit. Kur evidentohen kërcënime të tilla, vlerësohet rëndësia e tyre dhe merren masat e nevojshme për eliminimin ose zvogëlimin e tyre në një nivel të pranueshëm. Nëse kjo nuk është e mundur, angazhimi nuk pranohet ose ndërpritet, sipas rastit.

Audituesi Ligjor dhe personeli i përfshirë në angazhimet e auditimit konfirmojnë respektimin e kërkesave të pavarësisë dhe njoftojnë pa vonesë çdo rrethanë që mund të ndikojë në pavarësinë ose objektivitetin e tyre. Këto çështje vlerësohen jo vetëm në fillim të angazhimit, por gjatë gjithë periudhës së realizimit të tij. Kur për një klient auditimi ofrohen ose kërkohen shërbime të tjera profesionale, natyra dhe ndikimi i tyre vlerësohen paraprakisht. Shërbimet pranohen vetëm kur lejohen nga kërkesat ligjore dhe profesionale, nuk përfshijnë marrjen e përgjegjësisë të drejtimit dhe nuk cenojnë pavarësinë e Audituesit Ligjor. Kur është e nevojshme, zbatohen masa mbrojtëse të përshtatshme ose shërbimi nuk pranohet.

Informacioni dhe dokumentacioni i siguruar gjatë marrëdhënieve profesionale trajtohen si konfidenciale dhe përdoren vetëm për qëllimet e angazhimit përkatës. Aksesit në dokumentacion u jepet vetëm personave të autorizuar. Informacioni nuk u bëhet i ditur palëve të treta pa autorizimin e klientit, përveç rasteve kur kjo kërkohet ose lejohet nga ligji, standardet profesionale apo autoritetet kompetente.

Firma zbaton masa për ruajtjen, mbrojtjen dhe arkivimin e dokumentacionit profesional, me qëllim parandalimin e aksesit të paautorizuar, ndryshimit, humbjes ose përdorimit të papërshtatshëm të tij. Detyrimi për ruajtjen e konfidencialitetit vazhdon edhe pas përfundimit të angazhimit ose të marrëdhënies profesionale.

Gjatë periudhës raportuese, kërkesat për pavarësinë janë vlerësuar në kuadër të pranimi dhe realizimit të angazhimeve. Nuk janë evidentuar rrethana ose marrëdhënie që cenojnë pavarësinë e Audituesit Ligjor. Firma vlerëson se politikat dhe procedurat e vendosura ofrojnë një bazë të arsyeshme për respektimin e kërkesave etike dhe të pavarësisë.

7. Pranimi dhe realizimi i angazhimeve

Përpara pranimi ose vijimit të një angazhimi, ProActive Solutions vlerëson integritetin e klientit, natyrën dhe objektin e shërbimit, kërkesat etike dhe të pavarësisë, si dhe disponueshmërinë e kompetencës, kohës dhe burimeve të nevojshme. Kushtet e angazhimit dokumentohen në marrëveshjen përkatëse. Për auditimet fillestare kryhet edhe komunikimi me audituesin paraardhës, kur është i zbatueshëm.

Angazhimet e auditimit planifikohen dhe realizohen në përputhje me Standardet Ndërkombëtare të Auditimit. Natyra, koha dhe shtrirja e procedurave përcaktohen mbi bazën e njohjes së njësisë ekonomike dhe vlerësimit të rreziqeve për anomali materiale. Audituesi Ligjor përfshihet drejtpërdrejt në fazat kryesore, drejton dhe mbikëqyr personelin e angazhuar dhe rishikon dokumentacionin e punës.

Çështjet e rëndësishme dhe nevojat për informacion shtesë komunikohen në kohë me drejtimin dhe, sipas rastit, me personat e ngarkuar me qeverisjen. Kur nevojiten njohuri të specializuara, kryhen konsultime me profesionistë të përshtatshëm. Raporti lëshohet vetëm pasi të jenë trajtuar çështjet e rëndësishme dhe të jetë siguruar evidencë e mjaftueshme dhe e përshtatshme për mbështetjen e përfundimit të angazhimit.

8. Burimet njerëzore dhe zhvillimi profesional

ProActive Solutions angazhon personel me njohuritë, aftësitë dhe përvojën e përshtatshme për natyrën e shërbimeve të ofruara. Përzgjedhja dhe përfshirja e personelit në angazhime bëhet duke marrë në konsideratë formimin profesional, përvojën, kompetencën, respektimin e kërkesave etike dhe aftësinë për të përmbushur përgjegjësitë e caktuara. Detyrat shpërndahen në varësi të kompleksitetit të angazhimit dhe nivelit të përvojës së secilit person.

Audituesi Ligjor përcakton përgjegjësitë, jep udhëzimet e nevojshme dhe mbikëqyr e rishikon punën e kryer, duke mbajtur përgjegjësinë përfundimtare për cilësinë e angazhimit. Zhvillimi profesional konsiderohet pjesë e rëndësishme e ruajtjes së cilësisë së shërbimeve. Audituesi Ligjor përmbush kërkesat për edukimin e vijueshëm profesional, ndërsa personeli nxitet të përditësojë njohuritë në përputhje me përgjegjësitë e tij dhe ndryshimet në standardet profesionale, legjislacionin dhe praktikën e zbatueshme.

Nevojat për trajnim dhe zhvillim vlerësohen në mënyrë të vazhdueshme, duke marrë në konsideratë natyrën e angazhimeve, çështjet e evidentuara gjatë punës dhe rezultatet e rishikimit të punës së kryer. Udhëzimet dhe diskutimet profesionale realizohen edhe gjatë angazhimeve, nëpërmjet komunikimit të drejtpërdrejtë, shqyrtimit të çështjeve konkrete dhe dhënies së komenteve mbi punën e kryer.

Përvoja e përfutur gjatë realizimit të angazhimeve përdoret për përmirësimin e vazhdueshëm të organizimit të punës, përcaktimit të përgjegjësiave dhe mënyrës së dokumentimit të saj. Përfundimet e nxjerra merren në konsideratë gjatë planifikimit të angazhimeve të ardhshme dhe përshtatjes së procedurave me natyrën dhe rrethanat e tyre.

9. Kontrolli i sigurimit të cilësisë

ProActive Solutions është subjekt i sistemit të kontrollit të sigurimit të cilësisë, të organizuar nga Bordi i Mbikëqyrjes Publike (BMP), në përputhje me legjislacionin dhe rregullat në fuqi për auditimin ligjor.

Në kuadër të këtij procesi, Firma bashkëpunon me BMP-në dhe vë në dispozicion informacionin dhe dokumentacionin e kërkuar. Gjetjet dhe rekomandimet që mund të rezultojnë nga kontrolli vlerësohen nga Audituesi Ligjor dhe, sipas rastit, merren masat e nevojshme për përmirësimin e sistemit të menaxhimit të cilësisë dhe realizimit të angazhimeve.

Deri në datën e publikimit të këtij raporti, ProActive Solutions nuk ka qenë objekt i një kontrolli të sigurimit të cilësisë nga Bordi i Mbikëqyrjes Publike.

10. Njësitë me interes publik të audituara

Gjatë vitit 2025, ProActive Solutions ka kryer auditimin ligjor të pasqyrave financiare të njësive me interes publik të paraqitura më poshtë:

Njësia ekonomike	NUIS	Pasqyrat financiare
Albkromi Sh.a.	J61827513H	Viti i mbyllur më 31.12.2024
Porti Detar Sarandë Sh.a.	J64228812K	Viti i mbyllur më 31.12.2024

11. Informacioni financiar

Të ardhurat e vitit 2025, të rakorduara me raportimin vjetor të angazhimeve, paraqiten më poshtë. Shumat janë pa TVSH dhe në mijë Lekë.

Kategoria e të ardhurave	ooo Lekë
Auditim ligjor i njësive ekonomike me interes publik	1.000,0
Auditim ligjor i njësive të tjera	1.328,0
Kontabilitet dhe përgatitje e pasqyrave financiare	5.082,0
Shërbime të tjera joauditimi	1.278,5
Gjithsej	8.688,5

12. Baza e shpërblimit

Duke qenë se ProActive Solutions është një praktikë profesionale e organizuar nga një auditues ligjor person fizik dhe nuk ka ortakë angazhimi, nuk zbatohet një skemë shpërblimi për ortakët. Të ardhurat nga veprimtaria i përkasin personit fizik.

Tarifat e angazhimeve përcaktohen duke marrë parasysh natyrën dhe kompleksitetin e shërbimit, nivelin e riskut, kohën, kompetencën dhe burimet e nevojshme për kryerjen e punës. Tarifat e auditimit nuk kushtëzohen nga rezultati i auditimit apo nga natyra e opinionit që mund të shprehet në raport.

13. Deklaratat përfundimtare

Në lidhje me periudhën raportuese, Audituesi Ligjor deklaron se:

- është kryer vlerësimi i sistemit të menaxhimit të cilësisë së Firmës dhe, në bazë të këtij vlerësimi, sistemi siguron një bazë të arsyeshme për arritjen e objektivave të cilësisë, në përputhje me natyrën dhe përmasat e veprimtarisë së ProActive Solutions;
- kërkesat për pavarësinë janë vlerësuar në kuadër të pranimi dhe realizimit të angazhimeve dhe nuk janë evidentuar rrethana ose marrëdhënie që cenojnë pavarësinë e Audituesit Ligjor;
- është zbatuar politika e Firmës për edukimin e vijueshëm profesional dhe Audituesi Ligjor ka përmbushur kërkesat përkatëse të kualifikimit profesional.

Informacioni i paraqitur në këtë raport pasqyron strukturën, organizimin dhe veprimtarinë e ProActive Solutions për periudhën raportuese dhe është përgatitur në përputhje me kërkesat ligjore dhe profesionale të zbatueshme për raportin e transparencës.

Tiranë, 31 mars 2026

Zhaneta Luca
Auditues Ligjor

Nr. licence: 466
M41326027U
Rruga Selitë e Vjetër, Tiranë